



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

De Decimis Praestandis.

urn:nbn:de:hbz:466:1-15588

absque contradictione qualibet habeatis, nec præfatus præpositus super possessione aliquatenus vos audeat de cetero fatigare.

C A P. V. *Idem abbati Riualis, & priori de Bridi.*

Dilecti filii nostri abbas & fratres de Neuhus, transmissa nobis insinuatione literarum, monstraerunt, quod cum causa quæ vertitur inter ipsos & abbatissam & moniales de Elneftou Vestex, super ecclesia sancti Petri de Altun, quam prædicti fratres diu canonice & inconcussæ, sicut asserunt, possederunt, & adhuc possident, dilectis filiis decano Linc, & archidiacono de Bedeford ad suggestionem nuntii monialium prædictarum commissemus fine debito terminandam, prædicti fratres timentes a iudicibus grauari, eo quod ad primam citationem diem statuerunt peremptorium, ad audientiam nostram appellarunt, sed ipsi nihilo minus ecclesiam interdicto supposuerunt. Quia vero non spectat ad iuris ordinem, diem peremptorium, maxime cum de rebus ecclesiasticis agitur, nisi maxima ingruente necessitate, ita maturare: neque inter eos qui contumaciter se absentant, sententiam taliter promulgare, nisi quod aduersa pars in possessionem mittatur, ut sic tadio affecti, iustitiæ stare cogantur: F. T. &c. quatenus partes ante præsentiam vestram conuocetis, & rei veritatem diligenter inquiretis: & si vobis constiterit, quod memorati fratres præfatam ecclesiam canonice fuerint adepti, eosdem fratres ipsam ecclesiam ab interdicto solutam, sub app. re. pacifice possidere faciatis, & aduersæ parti silentium imponatis.

Peremptorium ad primam citationem, non nisi ex magna necessitate proponendum.

Part IV.

DE DECIMIS PRÆSTANDIS.

C A P. I. *Idem Cusano episcopo.*

INTELLEXIMVS ex literis tuis, quod R. de * Lantino parochianus tuus, tamdiu, scilicet sex annis, decimas capellæ suæ tibi detinuit, asserens quod in commutatione ipsius decimæ, prædecessori tuo reditus quarundam dedit villarum, quos etiam tibi vult assignare. Ceterum quia decimæ cum temporalibus non sunt commutandæ, attendentes, tibi auctoritate præsentium inhibemus, ne præ-

ANNO CHRISTI 1179. scriptos reditus in ipsius decimæ commutationem præsumas recipere: sed prædictum R. ad restituendas decimas subtractas tibi, & ad eas soluendas in posterum ecclesiastica districtione compellas.

CAP. II.

Idem Cantuariensi archiepiscopo, & eius suffraganeis.

Peruenit ad nos, quod cum parochiani vestri decimas bonorum suorum consueuerint ecclesiis, quibus debentur, persoluere: nunc tam laudabili consuetudine præmissa, quidam ex ipsis de lana & de feno & de prouentibus molendinorum & piscariarum ipsis ecclesiis subtrahere non verentur. Quoniam igitur institutioni diuinæ manifestius obuiant, qui decimas ecclesiis non persoluunt, F. V. &c. quatenus parochianos vestros monere curetis, & si opus fuerit sub excommunicationis districtione compellatis, vt de prouentibus molendinorum & piscariarum & de feno & de lana decimas ecclesiis, quibus debentur, omni occasione & appellatione cessante, cum integritate persoluant.

CAP. III. *Item Vintoniensi episcopo.*

Nuntios & literas tuæ fraternitatis ea qua decuit benignitate recepimus, & petitiones tuas, quoad licuit, curauimus exaudire, sicut illius personæ quam pure in Domino & feruenti caritate diligimus, & cuius commodis & profectibus intendere volumus diligenter. Cum ergo ad officium tuum spectent ea, in quibus præcepti nostri desideras auctoritate muniri, tanto in his facilius debuisti exaudiri, quanto ipsa eorum specialius salutem respiciunt, de quibus in extremo iudicio redditurus es rationem. Inde est quod F. T. &c. quatenus tam comites quam barones, nec non & milites & omnes alios de parochia tua moneas propensius & inducas, vt appellatione cessante & * E. D. C O N. vt decimas matricibus ecclesiis de diuitiis suis cum omni integritate persoluant. Præterea parochianos vestros de feno equitio, pomis & pyris & apibus & omni fructu decimas soluere ecclesiastica districtione, appellatione cessante, compellas.

Concil. Tom. 27.

T t t iij

CAP. IV. *Idem * Ryomenfi & Vintoniensis episcopis.*

An deci-
mandum sit
antequam
seruienti-
bus debita
impendan-
tur de fru-
gibus.

Cum homines de Hortun, secundum generalem ecclesie Anglicane institutionem, de frugibus suis in autumno, nouem partibus sibi retentis, decimas ecclesie & mihi, cuius parochiani sunt, sine diminutione soluere teneantur, antequam eidem ecclesie decimas ad eam spectantes persoluant, seruientibus & mercenariis suis de frugibus non decimatis debita totius anni pro seruitio suo impendunt, & tunc deinde de residuo decimas persoluentes: Vnde D. V. &c. quatenus sub anathematis distinctione compellatis eos, vt decimas tam de nutrimentis animalium suorum, quam de frugibus sine fraude & diminutione aliqua in autumno, sicut mos est, statim collectis frugibus, & in aliis temporibus, prout debentur, persoluant, atque de subtractis atque retentis dignam satisfactionem exhibeant.

PARS V. DE CONIUGATIS ET SPONSIS
MONASTERIVM INGRESSIS, VEL
INGREDI VOLENTIBVS.

CAP. I. *Idem Salernitano archiepiscopo.*

VERVM post consensum illum legitimum de presenti, licitum est alteri, altero etiam repudiante, monasterium eligere, sicut quidam sancti de nuptiis vocati fuerunt: dummodo inter eos carnis commixtio non interuenerit, & alteri remanenti, si commonitus seruare noluerit continentiam, licitum esse videtur, vt ad secunda vota transire possit. Quia cum non fuissent vna caro effecti, potest vnus ad Dominum transire, & alter in saeculo remanere.

CAP. II. *Idem Pisano archiepiscopo.*

Dist. 32.
Seriaticum.

Quidam intrauit monasterium inuita vxore, ipsum eadem repetente coactus est ad eam redire: ea mortua, quæris an ipse cogatur ad monasterium redire, an aliam possit accipere vxorem. Quæstioni tuæ taliter respondemus, quod votum non tenuit. Vnde ratione voti non tenetur ad monasterium redire. Vterius vero non potest accipere vxorem. Promisit enim se non exigere debitum, quod